

ACTA DA XUNTA DE GOBERNO LOCAL
Sesión extraordinaria e urxente do 22 de marzo de 2011

ASISTENTES:
Membros :

D. Abel Caballero Álvarez
D^a Isaura Abelairas Rodríguez
D. Xulio Calviño Rodríguez
D. Santiago Domínguez Olveira
D. Carlos López Font
D. Santos Héctor Rodríguez Díaz
D. José Manuel Mariño Mendoza

NON ASISTEN:

D. Francisco Xabier Alonso Pérez
D^a M^a Xosé Méndez Piñeiro
D. Eudósio Álvarez Álvarez

Invitados:

D^a Raquel Díaz Vázquez
D^a María Jesús Lago Rey
D. Angel Rivas González

D^a Laura López Atrio
D. Xesús López Carreira
D^a Iolanda Veloso Ríos

Na Casa do Concello de Vigo, ás 9.08 horas do día vinte e dous de marzo de dous mil once e baixo a presidencia do Excmo. Sr. Alcalde, Sr. Caballero Alvarez, coa asistencia dos concelleiros/as anteriormente citados, actuando como Secretaria a concelleira, Sra. Abelairas Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, o titular do órgano de apoio á Xunta de Goberno Local, Sr. Lorenzo Penela, o interventor xeral accidental, Sr. Suárez Sánchez, titular da Asesoría Xurídica, Sr. González Yebra-Pimentel..

A Xunta de Goberno Local adopta os seguintes acordos:

1(367).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(368).- CONCERTACIÓN DA OPERACIÓN DE PRÉSTAMO DO ANO 2011. APROBAR O MODELO DE CONTRATO A FORMALIZAR POLA ENTIDADE FINANCEIRA QUE RESULTE ADXUDICATARIA. EXPTE. 101758/140.

Examinadas as actuacións do expediente e de acordo co informe-proposta da concelleira delegada da área de Economía e Facenda, do 18.03.2011, a Xunta de Goberno Local acorda:

- a) Aprobadas condicións e características ás que quedará suxeita a operación de crédito a concertar por un importe máximo de 11.000.000,00 euros, que figuran no Estado de Ingresos do Orzamento no concepto 913.00 para financiar parte do plan de investimentos que figuran no Orzamento Xeral aprobado polo Pleno de Corporación en sesión do 23 de decembro de 2010.
- b) Aprobar o modelo de contrato a formalizar pola entidade financeira que resulte adxudicataria da operación e que conformará o modelo de oferta para os licitadores.
- c) Someter o procedemento a publicidade, inserindo un anuncio no xornal de maior tirada da cidade e cos prazos de presentación de ofertas que figuran nas características da operación.

MODELO DE CONTRATO DE PRÉSTAMO CON APERTURA DE CREDITO A FAVOR DO EXCMO. CONCELLO DE VIGO POR IMPORTE DE 11.000.000,00 DE EUROS.

DESTINO: FINANCIAMENTO DO PLAN DE INVESTIMENOS DO ANO 2011

Na Cidade de Vigo a,

Ante min, D. Xosé Manuel Lorenzo Penela, órgano de apoio á Xunta de Goberno Local do Excmo. Concello de Vigo, en exercicio da súa función de Fedatario Público, en virtude do establecido no art. 162.1 b) do R.D.L. 781/86, de 18 de abril e na Disposición Adicional Octava, apartado d) da Lei 7/1985, reguladora das Bases de Réxime Local.

COMPARECEN

Entidade Financeira (), con domicilio para os efectos deste contrato en () representada por D.() NIF (), apoderado da Entidade segundo poder ao seu favor outorgado ante o Notario D.() de data (), co número () do seu protocolo, inscrito no Rexistro Mercantil no tomo (), folio (), folla () inscrición ().

O Excmo. Concello de Vigo, representado neste acto polo seu Alcalde Presidente Ilxmo. Sr. D. Abel Caballero Álvarez, e con domicilio para os efectos deste contrato en Praza do Rei, s/n, Vigo.

Recoñecéndose segundo concorren, capacidade legal suficiente para outorgar este contrato de apertura de crédito, formalízano con suxeición ás seguintes:

ESTIPULACIÓNS

PRIMEIRA: APERTURA DE CREDITO: PRAZO LIMITE

Dende o día da data e ata o 30.12.2011, a Entidade Financeira () abre un crédito a favor do Excmo. Concello de Vigo, por importe de once millóns de euros (11.000.000,00 EUROS), con destino a financiar o plan de investimentos contido no Presuposto Xeral aprobado para o ano 2011.

Non entanto o anterior, por mor dos axustes, baixas e outras causas que sobreviñesen en execución do plan de investimentos, o límite inicial fixado, poderá, o Excmo. Concello de Vigo, reducirlo

dentro do primeiro trimestre do 2012, debendo comunicalo fehacementemente á Entidade Financeira o novo importe máximo, sendo o importe máximo do mesmo a suma dos compromisos acadados nos proxectos que financia o préstamo ata o 31 de decembro do ano 2011.

SEGUNDA: CONTA- DISPOSICIÓNS CRÉDITO

As disposicións do crédito concedido reflectiranse nunha conta aberta pola Entidade Financeira () a nome do Excmo. Concello de Vigo, denominada "Conta de Disposicións do Crédito", Código () na que se irán debendo as cantidades que a Entidade Financeira () desembolse para os fins e ata o límite sinalado na estipulación PRIMEIRA.

Os xuros que se devenguen polas disposicións efectuadas ata a consolidación da operación, serán cargados aos respectivos vencementos, na conta prevista na estipulación UNDECIMA.

TERCEIRA: FORMA DE FACER DISPOSICIÓNS DO CRÉDITO.

As disposicións de fondos con cargo á Conta de Disposicións do Crédito efectuaranse por medio de cheque ou orde de traspaso subscrito polo Alcalde-Presidente coa toma de razón dos señores Interventor e Tesoureiro.

As disposicións deberán ser anunciadas con dous días hábiles de anticipación, como mínimo, e o seu importe non poderá ser inferior a 180.000 euros. As solicitudes de disposición serán irrevogables.

CUARTA: INTERESES CONTA DISPOSICIÓNS CRÉDITO

1. O saldo debedor da Conta de Disposicións do Crédito devengará, durante o prazo previsto na estipulación PRIMEIRA, xuros día por día.

Os xuros liquidaranse agrupados por períodos, coincidentes cos previstos no apartado a) do número 1 da estipulación SEXTA, que serán comúns para todas as disposicións do crédito, calquera que sexa a súa data. A este fin o primeiro período de liquidación de xuros de cada disposición pecharase coincidindo co peche do período de interese das disposicións en curso e liquidarase ao mesmo tipo de xuro calquera que sexa o número de días que comprenda.

O primeiro período de liquidación de xuros da primeira disposición pecharase o último día do trimestre natural corrente, liquidándose ao tipo de xuros que corresponda para un período de interese de duración trimestral. Os sucesivos períodos computaranse dende aquela data de peche e segundo o réxime previsto na estipulación SEXTA. O tipo de xuro nominal anual para o primeiro período será do ().

O último período de liquidación de xuros pecharase o último día do trimestre natural correspondente á finalización do período de disposicións, producíndose o cargo da citada liquidación dentro do ano natural, computándose a liquidación do último trimestre ata o 30 de decembro ou o anterior se aquel fose inhábil.

O pagamento de intereses efectuarase, sen requirimento previo, o primeiro día do período seguinte ao que corresponda, a excepción do último trimestre de cada ano que o pagamento se efectuará o último día do trimestre natural ou último hábil

2. O cálculo de intereses efectuarase multiplicando cada un dos sucesivos saldos debedores diarios do período de liquidación polo tipo de interese nominal diario, sumando os produtos e dividindo o resultado por cen.

O tipo porcentual nominal diario determinarase dividindo o tipo de interese nominal anual por trescentos sesenta.

O tipo de interese nominal anual determinarase con suxeición ás regras previstas na estipulación SEXTA.

Se durante este período non puidese determinarse o tipo de interese conforme ás regras previstas na estipulación SEXTA, rexerá durante este o último tipo aplicado.

QUINTA: CONSOLIDACIÓN DA DÉBEDA

Vencido o período de dispoñibilidade previsto na estipulación PRIMEIRA, virá o Excmo. Concello de Vigo, obrigado a devolver á Entidade Financeira () o seu importe mediante dez cotas anuais consecutivas iguais, sendo a primeira o 31 de decembro de 2012 e a última o 31 de decembro do ano 2021, se en calquera dos casos, esa data fose inhábil, a cota de amortización devengará e cargaría o último día hábil do ano natural. As diferenzas por redondeo compensaranse na última entrega.

Se a 30 de decembro de 2012, o Excmo. Concello de Vigo non dispuxese da totalidade do límite do crédito comunicado a Entidade Financeira dentro do primeiro trimestre do ano 2012, as cantidades en depósito serán traspasadas a unha conta específica, a apertura da cal autoriza o Excmo. Concello de Vigo, que será retribuída de acordo aos pactos e condicións que nese momento se fixen entre as partes.

As disposicións con cargo á conta específica á que se fai referencia no parágrafo anterior, efectuaranse cos mesmos requisitos formais que as demais disposicións do crédito (coa sinatura dos tres craveiros), se ben os importes poden ser distintos que os previstos na disposición TERCEIRA.

SEXTA: INTERESES DO PRESTAMO

O capital pendente de reembolso devengará, diariamente, o xuro nominal anual variable, á alza ou á baixa, que se determina nas regras seguintes:

- a) Para determinar o tipo de xuro nominal aplicable, o prazo total do empréstimo ou crédito dividirase en períodos de interese sucesivos, de duración trimestral.
- b) O tipo de interese nominal anual vixente en cada período determinarase sumando unha "marxe" de 2,5 puntos porcentuais ao "tipo de referencia" que corresponda ao período.

A Entidade Financeira () oferta unha mellora o marxe previsto no parágrafo anterior de () puntos porcentuais (por cada centésima, 0,01), fixando esta porcentaxe en () puntos porcentuais.

Será "tipo de referencia" por cada período anual o "tipo EURIBOR", entendéndose Por "TIPO euribor" (euro InterBank Offered Rate: Tipo Interbancario ofrecido en euros) aos efectos deste contrato, o tipo de contado publicado pola Federación Bancaria Europea, cara ás 11 horas da mañá (hora de Bruxelas), a través de "Bridge Telerate" ou do provedor do servizo de pantalla que lle poida substituír, para as operacións de depósito en euros a prazo de tres meses, calculado a partir do ofertado por unha mostra de bancos para operacións entre entidades de similar cualificación e referido ao segundo día hábil anterior ao de inicio de cada período de interese. Este tipo de referencia é así mesmo publicado diariamente no Boletín da Central de Anotacións do Banco de España.

Fixase a posibilidade de que as Entidades Financeiras oferten un CAP de cobertura. Si a oferta do mesmo mellora o tipo do 7 por 100, por cada 10 puntos básicos que a oferta mellore o CAP, otorgarásese 1 punto. A posibilidade de que as entidades financeiras que se presenten oferten esta mellora non e excluínte. Tampouco serán avaliábles instrumentos de cobertura superiores ou iguais o 7 por 100

A Entidade Financeira () oferta un instrumento de cobertura CAP cunha mellora de () puntos básicos sendo o CAP da operación ofertado (). Para este CAP, a Entidade Financeira () no oferta custe adicional algún. Non se admite Floor.

- c) A Entidade Financeira () comunicará ao Excmo. Concello de Vigo, o día hábil anterior ao do inicio de cada período, antes das 11 horas, o tipo de interese nominal aplicable correspondente ao período, debendo aquel, de non o convir, comunicar fehacientemente á Entidade Financeira () a resolución do contrato antes das trece horas da mañá do mesmo día, entendéndose noutro caso que acepta o tipo proposto. No suposto de non aceptación, o Excmo. Concello disporá do prazo dun mes para reintegrar o capital pendente de reembolso, liquidándose os intereses deste prazo ao último tipo aplicado. Esta comunicación e obrigatoria, non procedendo o cargo por liquidación de xuros si non se produxese esta comunicación. Así mesmo e cunha antelación de dous días o día de cargo das liquidación se remitirá por Fax, a liquidación do cargo que se vai a facer, facendo constar o capital sobre o que xiran os xuros, o tipo de xuro aplicado os días correspondentes a liquidación e demais datos comprensivos para comprobar a liquidación final. Tanto a comunicación dos tipos aplicables o período como a liquidación, faráanse a Unidade de Contabilidade nos prazos establecidos nesta estipulación
- d) Se non resultase posible a determinación do tipo de xuros con suxeición ás regras anteriores, calquera das partes poderá, en calquera momento do prazo de reembolso, pola resolución do contrato, rexendo no intervalo o último tipo aplicado. O Excmo. Concello disporá, en este suposto de resolución, do prazo dun mes para reembolsar o principal, ou do prazo de tres meses, se a resolución procedese por determinación da Entidade Financeira ().

Os xuros aboaranse polo Excmo. Concello de Vigo, sen requirimento previo, sempre que se houberen cumprido os requirimentos e comunicacións previstos nos apartados precedentes, o primeiro día do período de interese seguinte ao que corresponda, coa excepción do último trimestre de cada ano, que o pagamento se efectuará o último día do trimestre natural tendo en conta o previsto na estipulación CUARTA. Os xuros liquidaranse polos días efectivamente transcorridos.

O cálculo dos xuros correspondentes a cada período de liquidación efectuarase multiplicando o capital non amortizado polo tipo porcentual nominal de xuro correspondente ao período e dividindo o produto por cen.

O tipo porcentual nominal de xuro correspondente ao período determinarase dividindo o tipo de xuro nominal anual aplicable por 360 e multiplicando o resultado polo número de días do período de liquidación, debendo remitirse a citada liquidación trimestralmente ao Excmo. Concello de Vigo coa antelación prevista no apartado c) da ESTIPULACIÓN SEXTA.

SEPTIMA: DEVOLUCION DO PRÉSTAMO.

O Excmo. Concello de Vigo obrígase a devolver o capital mediante dez cotas anuais consecutivas.

As citadas cotas deberán ser satisfeitas os días 31 de decembro de cada ano. A primeira cota de amortización de capital deberá facerse efectiva o 31 de decembro do ano 2012 e a última o 31 de decembro do ano 2021, sempre tendo en conta o previsto na estipulación QUINTA en canto os días hábiles.

O Excmo. Concello poderá anticipar en calquera tempo a amortización total ou parcial do capital se se hallare ao corrente no cumprimento das súas demais obrigas. A amortización deberá ser anunciada coa antelación mínima dun mes e a súa data deberá coincidir coa finalización dun período de xuros e non devengará custo ningún para o Concello.

OITAVA: VENCEMENTO anticipado

O contrato poderá ser resultado pola Entidade Financeira () antes do seu vencemento cando concorra algunha das seguintes circunstancias:

- a) Falta de pagamento polo Excmo. Concello, ao seu respectivo vencemento, de calquera cantidade debida en virtude do contrato, por principal, intereses, comisións, gastos ou calquera outro concepto.
- b) Inexactitude, total ou parcial, das declaracións formuladas polo Excmo. Concello na estipulación DÉCIMA.
- c) Incumprimento polo Excmo. Concello de Vigo de calquera outra obriga ou compromiso asumido no contrato, se non fose remediado, sen prexuízo algún para a Entidade Financeira (), nun prazo de quince días hábiles a contar da data en que o Excmo. Concello Vigo fose informado do incumprimento pola Entidade Financeira ().
- d) Concurso de calquera outra causa que, conforme a Dereito, determine a resolución ou vencemento anticipado.

Resolto o contrato, o Excmo. Concello de Vigo virá obrigado ao reintegro do principal pendente de pagamento, cos seus xuros, comisións, gastos e calquera outro concepto lexítimo dentro do mes seguinte, contado a partir da data de notificación da resolución.

NOVENA:

O Excmo. Concello de Vigo consignará nos sucesivos orzamentos, ínterin rexa o contrato, as cantidades necesarias para facer efectivas as obrigas que deste se derivan.

DECIMA:

En garantía do pagamento do principal, intereses, comisións, gastos e costas, o Excmo. Concello de Vigo afecta e grava, directa e especialmente, na contía necesaria os ingresos que se produzan pola taxa de recollida de lixo, ao efecto da cal se considera á Entidade Financeira () acreedor do Excmo. Concello de Vigo.

En caso de supresión ou insuficiencia comprobada do recurso afectado, quedará ampliada, e no seu caso substituída a taxa afectada, por aqueles outros que, con aprobación da Entidade Financeira (),

determine o Excmo. Concello, en contía abonda para que quede asegurado o ingreso das cantidades debidas.

A representación do Excmo. Concello de Vigo declara, aos fins deste contrato, que a Taxa de recollida de lixos atopase libre en contía abonda para garantir o cumprimento das obrigas derivadas deste contrato, por ser a súa recadación superior a carga financeira total anual que ten o Concello.

UNDÉCIMA: CONTA DE CARGO DO PRESTAMO

Dende o día en que se formalice o contrato, o Excmo. Concello de Vigo manterá aberta na Entidade Financeira () a conta () para que, nos respectivos vencementos, poida esta cargar os correspondentes recibos por xuros e por amortizacións, para o cal queda irrevogablemente facultada, debéndose os recibos con valor do día do vencemento.

O Excmo. Concello de Vigo terá dispoñibles en tempo os recursos suficientes para o pagamento daqueles recibos. A tal fin, o Excmo. Concello de Vigo comunicará aos servizos competentes o contido íntegro deste contrato aos efectos do seu debido cumprimento e terá as cantidades que resulten precisas, ata cubrir a suma que por intereses estimados e amortizacións deba ser satisfeita cada ano á Entidade Financeira (), ingresándoa na conta salientada no apartado primeiro na contía e data oportuna para que poidan ser cargados os recibos nos seus respectivos vencementos.

DÉCIMOSEGUNDA:

O Excmo. Concello de Vigo notificará á Entidade Financeira () todos os acordos que afecten en calquera modo ás estipulacións deste contrato, e especialmente, aos recursos dados en garantía, co fin de que poida recorrer contra os que estime que lle perxudícan.

DÉCIMOTERCEIRA: XUROS DE MORA

Todas as obrigas pecuniarias vencidas e non pagadas devengarán, sen necesidade de intimación nin prexuízo das accións resolutorias que á Entidade Financeira () lle corresponden, o xuro contractual vixente en cada momento incrementado en dous puntos porcentuais, ao efecto da cal poderá a Entidade Financeira () capitalizar dende o seu vencemento os xuros líquidos non satisfeitos, calquera que sexa a súa índole.

A liquidación e pagamento dos xuros de mora axustaranse ás regras previstas para os ordinarios.

DÉCIMOCUARTA: DECLARACION DA PRESTAMISTA

O Excmo. Concello formula as seguintes declaracións:

- a) Que ten plena capacidade para outorgar e cumprir o contrato e adoptou todos os acordos e actuacións necesarias para o outorgamento e cumprimento.
- b) Que o outorgamento e cumprimento do contrato non contravén ningunha norma de calquera rango a que o Excmo. Concello estea suxeito, sendo válidas e vinculantes as obrigas contraídas por este en virtude do contrato.
- c) Que toda a información subministrada polo Excmo. Concello á Entidade Financeira () é correcta, non existindo feitos nin omisións que desvirtúen a devandita información.

- d) Que non se require ningún consentimento, autorización, trámite ou aprobación, en relación co outorgamento, validez e esixibilidade do contrato, que non se obtivera previamente á súa formalización.
- e) O Concello de Vigo, porá a disposición dos licitadores, unha certificación sobre o cumprimento dos requisitos básicos para a concertación da operación de endebedamento: Aforro Neto, porcentaxe de endebedamento, estabilidade orzamentaria e aprobación do orzamento para o ano 2011.

DÉCIMOQUINTA:

As comunicacións entre o Excmo. Concello de Vigo e a Entidade Financeira () que non tivesen prevista no contrato unha forma especial, realizaranse utilizando calquera medio que permita deixar constancia do seu envío e recepción.

Para os efectos de calquera comunicación, notificación ou requirimento se sinalan como domicilios os que figuren neste contrato.

DÉCIMOSEXTA:

A efectos meramente informativos faise constar que a suma de xuros, que o Excmo. Concello de Vigo está obrigado a pagar á Entidade Financeira como contraprestación polo Préstamo recibido e os servizos inherentes a este, equivale, con referencia aos termos do contrato, á taxa efectiva anual pospagable do () por cento, equivalencia obtida por aplicación da fórmula recollida no ANEXO V da circular 8/1990, do 7 de setembro, do Banco de España (BOE números 226 e 313, do 20 de setembro de 1990 e 31 de decembro de 1993, págs. 27506 e 37835, respectivamente).

DECIMOSEPTIMA:

O presente contrato poderá ser elevado a escritura pública a petición de calquera das partes, correndo cos gastos inherentes a tal elevación, o seu solicitante.

E en proba de conformidade, asinan este documento por cuadruplicado, no lugar e data arriba indicados.

3(369).- ADXUDICACIÓN A BBVA FINANCIÁ AUTORENTING S.A. A CONTRATACIÓN DO SUBMINISTRO EN RÉXIME DE ARRENDAMENTO (RENTING) DE 18 VEHÍCULOS POLICIAIS. EXPTE. 34411/212.

Examinadas as actuacións do expediente e de acordo co informe-proposta do secretario da Mesa de Contratación, do 21.03.2011, e co informe da técnico de Fiscalización e Control Financeiro do 18.03.2011, conformado polo Interventor Xeral, a Xunta de Goberno Local acorda:

“Adxudicar BBVA FINANCIÁ AUTORENTING,S.A. o procedemento aberto para a contratación do SUBMINISTRO EN RÉXIME DE ARRENDAMENTO (RENTING) DE 18 VEHÍCULOS POLICIALES, EXPTE.34411-212, por un prezo total de 971.460,00 euros (IVE incluído).

Todo o anterior de acordo co prego de cláusulas administrativas particulares e o proxecto aprobado pola Xunta de Goberno e a oferta presentada.

Previamente a sinatura do contrato o adxudicatario terá que aboar o importe dos anuncios de licitación por importe 1799.97 euros.”

4(370).- MODIFICAR OS CONTRATOS DE SUBMINISTRACIÓN DE VESTIARIO PARA O PERSOAL MUNICIPAL, ADXUDICADOS POLA XGL DE 30.12.2010. EXPTE. 177/440.

Examinadas as actuacións do expediente e de acordo co informe-proposta do xefe da oficina administrativa de Contratación, do 14.03.2011, co informe do titular da Asesoría Xurídica do 15.03.2011, e co informe da técnico de Fiscalización e Control Financeiro do 18.03.2011, conformado polo Interventor Xeral, a Xunta de Goberno Local acorda:

Modifica-los contratos de subministración de vestiario para o persoal municipal adxudicados pola Xunta de Goberno Local de 30 de decembro de 2010 coas empresas e lotes que se indican de seguido, polas cuantías indicadas e respecto das prendas sinaladas nos cadros adxuntos a este expedientes; todo iso conforme ós pregos de condicións que rexeron a contratación inicial:

EMPRESA	Nº LOTE - DESCRIPCIÓN	ADXUDIC. (€)	MODIFICADO (€)	VARIACIÓN ECONÓMICA (%)
EL CORTE INGLÉS	LOTE 1 - Calzado de Seguridade	30.086,63	29.742,59	-1,14%
	LOTE 2 - Calzado Uniformidade	15.959,08	15.889,68	-0,43
	LOTE 3 - Camisería	8.346,53	8.764,05	5,00%
	LOTE 6 - Uniformidade	5.683,60	5.679,32	-0,08%
PEYCAR	LOTE 4 - Roupa de Traballo	26.612,60	26.717,56	0,39%
	LOTE 7.3.1 - Especiais	25.830,00	25.725,00	-0,41%
	LOTE 7.3.4 - Chaleco Refractante	34,00	34,00	0,00%

El Corte Inglés

ADJUDICACIÓN	60.075,84
MODIFICADO	60.075,84
BALANCE	0,00

LOTE1 Calzado de seguridade.

Prendas	Nº Prendas Adjudicadas	Nº Prendas Necesarias	Diferenza	VARIACIÓN %
Zapatos S/2	121	135	-14	11,57%
Botas S/3 FAL	132	133	-1	0,76%
Botas Vento	119	119	0	0,00%
Botas Voltio	14	18	-4	28,57%
Botas Asfalto	12	14	-2	16,67%
(1)Botas de Auga S/3	7	9	-2	28,57%
Botas Thor anti-corte	60	42	18	-30,00%
Botas Fragua	13	10	3	-23,08%

LOTE 2 Calzado de uniformidade

Prendas	Nº Prendas Adjudicadas	Nº Prendas Necesarias	Diferenza	VARIACIÓN %
Zapatos home inverno	33	38	-5	15,15%
Zapatos home verán	110	88	22	-20,00%
(2)Zapatos muller inverno	15	14	1	-6,67%
(2)Zapatos muller verán	15	14	1	-6,67%
Zocos	21	16	5	-23,81%
Zapatos con membrana	37	46	-9	24,32%
Zapatos parque bomberos	150	150	0	0,00%

LOTE 3 Camisería

Prendas	Nº Prendas Adjudicadas	Nº Prendas Necesarias	Diferenza	VARIACIÓN %
Camisas celeste M/C	250	178	72	-28,80%
Camisas celeste M/L	14	12	2	-14,29%
Blusas celestes M/C	22	16	6	-27,27%
Blusas celestes M/L	22	16	6	-27,27%
(3)Polo combinado M/C	137	175	-38	27,74%
(3)Polo comb M/L elec	26	33	-7	26,92%
(3)Polo algodón mariño	28	36	-8	28,57%
Camisa combinado M/C	102	72	30	-29,41%
Camisa AV MG/PL	6	6	0	0,00%
Camisa AV ML/PL	6	6	0	0,00%

LOTE 6 Uniformidade

Prendas	Nº Prendas Adjudicadas	Nº Prendas Necesarias	Diferenza	VARIACIÓN %
Pantalóns mariño	67	64	3	-4,48%
Faldas Mariño	13	10	3	-23,08%
Xersei punto mariño	46	33	13	-28,26%
Chaquetas punto mariño	6	8	-2	33,33%
Pantalón veran PL	6	6	0	0,00%
Pantalón Inverno PL	6	6	0	0,00%
Batas brancas	48	50	-2	4,17%
Pixamas brancos	2	1	1	-50,00%
Calzetíns térmicos	394	490	-96	24,37%
Calzetíns verán	142	102	40	-28,17%
Medias de descanso	50	43	7	-14,00%

Peypcar	
ADXUDICACIÓN	52.476,60
MODIFICADO	52.476,60
BALANCE	0,00

LOTE 4 Roupa de traballo				
Prendas	Nº Prendas Adjudicadas	Nº Prendas Necesarias	Diferenza Nº Prendas	VARIACIÓN %
Traxes algodón	159	206	-47	29,56%
Traxes panoply	209	171	38	-18,18%
(5)Buzos ignífugos	20	17	3	-15,00%
Traxes anti-corte	8	6	2	-25,00%
Traxes de auga	23	27	-4	17,39%

LOTE 7.3.1 Especiais				
Prendas	Nº Prendas Adjudicadas	Nº Prendas Necesarias	Diferenza Nº Prendas	VARIACIÓN %
(6)Parka-anorak A/V	246	245	1	-0,41%

LOTE 7.3.4 Chaleco Refr.				
Prendas	Nº Prendas Adjudicadas	Nº Prendas Necesarias	Diferenza Nº Prendas	VARIACIÓN %
Chaleco refráctante	4	4	0	0,00%

E sen ter máis asuntos que tratar, o Sr. presidente rematou a sesión ás 9.10 h. Como secretaria dou fe.

am.

A CONCELLEIRA-SECRETARIA
DA XUNTA DE GOBERNO LOCAL,

Isaura Abelairas Rodríguez.